

922611858

KVAMME GARD

**Mobilnummer**

482 95 859

**E-postadresse**

ivar.kvamme@yahoo.com

**Kontonummer** \*\*\*\* \* 82367

**Vedtaksdato**

18.11.2021

**Vedtaket er gjort av**

Alver kommune

**Søknadsdato**

31.08.2021

**Vår referanse**

2021/7567, Agros 162095

## Vedtak om tilskot til spesielle miljøtiltak i jordbruket – Gjerde for beite 141/2

---

**Samandrag:** Alver kommune har vedtatt å innvilge opptil 28 775 kroner i tilskot til KVAMME GARD til Gjerde for beite 141/2. Frist for å gjennomføre tiltaket og rapportere er 15.11.2024.

---

Alver kommune viser til søknad av 31.08.2021.

### Bakgrunn i saka

KVAMME GARD søkte om tilskot til spesielle miljøtiltak i jordbruket 31.08.2021. Du søker om totalt 49 932 kroner i tilskot for tiltak perioden 01.09.2021-31.10.2022. Totalt kostnadsoverslag for tiltaket har du utrekna til 78 232 kroner.

Det er søkt om tilskot til å setta opp nytt gjerde og rydding av gjerdetrasé på GBNR 141/2. Søkar leiger arealet for bruk til beite. Arealet består av 12 daa innmarksbeite, 10 daa overflatedyrka jord og 12,7 daa klassifisert som skog. Heile området har vore bortleid til beite i lang tid (10-20 år). Det er brukbare gjerde på to kantar av beitet. Gjerdet mot aust er i svært dårlig stand og må skiftast ut. Mot vest er det ikkje noko gjerde per i dag, her vert det nytta elektrisk gjerde. For å kunne nytta arealet utan bruk av elektrisk gjerde er det behov for å setta opp omlag 460 meter gjerde. Det er i tillegg søkt om støtte til oppsett av eit delegjerde på 105 meter for betre beiteutnytting.

Søkar tok over GBNR 142/3 i 2020 og har drift med omtrent 25 vinterfôra langhala sau og 25 vinterfôra av gammalnorsk sau.

### Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom tiltaket skal gjennomførast på, må det ligge føre løyve frå eigar til

gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Søknaden er vurdert etter prinsippa i naturmangfaldlova §§8-12, jf. §7. Kommunen har gjennomgått artskart og naturbase, og etter ei samla vurdering kome fram til at det omsøkte tiltaket ikkje er i strid med prinsippa i §§8-12 i naturmangfaldlova.

Kommunen meiner at tiltaket er i tråd med SMIL-ordninga sitt føremål jf. Forskrift om spesielle miljøtiltak i landbruket §1. Inngjerding av innmarksbeite og tiltak hos nye bønder er høgt prioritert i gjeldande SMIL-strategi for Alver kommune.

Arealet ber preg av ekstensiv drift over lang tid. Permanent gjerde vil bidra til at beitet vert meir nytta, noko som vil hindre attgroing og bidra til betre hevd på arealet. Inndeling av beiteområdet i to skifte vil gje betre høve til å styra beitetrykket. Sjølv om arealet består av teigar med ulik klassifisering, utgjer dette eit heilskapleg beiteområde som har vorte nytta som beite over tid. Kommunen løyver derfor tilskot til inngjerding av heile området og til delegjerde for å dela området inn i to skifte.

For å kunna setta opp gjerde er det naudsynt å rydda ein del tre og kratt i gjerdetraséen. Kommunen løyver tilskot til rydding av gjerdetrasé ut frå søkars kostnadsoverslag på 15 timar arbeid med trase-rydding. Kostnad til eige arbeid må dokumenterast ved føring av timeliste.

## Vedtak

Alver kommune har vedtatt å løyve inntil kr 22 800 til oppsetting av 570 meter gjerde og inntil kr 3350 kr til grinder. Det vert óg løyvd inntil kr 2625 til rydding av gjerdetrasé.

Kommunen nyttar faste satsar for kostnad til gjerding (80 kr per løpemeter) og grinder (kr 1500 for enkel køyregrind, kr 700 for ganggrind). Standard sats for kostnad til eige arbeid er 350 kr per time.

Godkjent kostnadsoverslag:

Tiltak	Kostnad
Gjerding 570 meter * 80 kr/meter	45 600 kr
Køyregrind 4 stk * 1500 kr/ stk	6000 kr
Ganggrind 1 stk * 700 kr/ stk	700 kr
Rydding av trasé 15 timer * 350 kr/ time	5 250 kr
SUM	57 550
Tilskot (50% av kostnad)	28 775

Alver kommune har vedtatt å innvilge opptil 28 775 kroner i tilskot.

## Vilkår for tilskotet

Frist for å gjennomføre tiltaket og rapportere er 15.11.2024. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Frist for gjennomføringa av tiltaka er sett til inntil tre år frå tildeling.
- Det kan søkjast om utsetjing av arbeidsfrist i inntil to år ut frå skriftleg grunngeving, seinast ein måned før oppsett frist går ut.
- Gjerde skal vera permanent med gjerdenot, toppstreng og bendsletråd.
- Området skal nyttast til beite i minimum 10 år frå løyving.
- Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket.

### **Rapportering og utbetaling**

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Sluttrapport skal innehalda rapporteringsskjema, timeliste, bilag på innkjøpt materiell og foto av utført tiltak.

Alver kommune betaler ut det innvilga tilskotet etter at du skriftleg har bede om det, og når vi har godkjent rapport og sluttregneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggst ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 57 550 kroner. Utbetalt tilskot kan ikkje overstige 50 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskotsbeløpet bli justert ned.

### **Kontroll**

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

### **Omgjering, tilbakebetaling og motrekning**

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskotet.

### **Klagerett**

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

### **Meir informasjon**

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing  
for Alver kommune

Saksbehandla av: Marie Victoria Rekdal Skogrand

Godkjend av: Laila Bjørge